

Årsberetning 2020

Utdanningsforbundet Vindafjord (UDFV) er eit lokallag under Utdanningsforbundet som er ein partipolitisk uavhengig fagforeining for pedagogisk personale innan alle utdanningsnivå, med barnehage, grunnskule, vidaregåande opplæring, pedagogisk-psykologisk teneste, vaksenopplæring, kulturskule og andre arbeidstakarar som er tilknytt pedagogisk verksemd. Lokallaget har kontor i kjellaren på rådhuset i Ølen.

Medlemstalet i UDFV var pr. 31.12.2020 på 338 medlemmer. Styret i lokallaget har lagt føresetnad om framleis drift til grunn for framlegging av årsrekneskapen.

Aktiviteten i 2020 har hatt som hovudmål å arbeide for gode lønns- og arbeidsvilkår for alt pedagogisk personale i kommunen. Perioden har vore prega av koronasituasjonen og arbeidstidsavtalar/overtid i samband med dette. Det har og vore arbeida med lokale forhandlingar hausten 2020, politisk påverknadsarbeid, oppvekstvilkår for born og unge i kommunen og barnehage- og skulebruksplan i kommunen.

Laget har lokale ATV (arbeidsplassstillitsvalde) på alle skulane, ATV i alle kommunale barnehagane og ATV på Vaksenopplæringa. Me har ikkje ATV i to private barnehagar. Me har skulert nye ATV-ar lokalt og regionalt. Det har vore godt samarbeid med lokallaga i nabokommunane.

Styret i lokallaget har hatt 6 møter i 2020. Styremøta har me på rådhuset. Me har behandla 47 saker i løpet av 2020. Elles deltek HTV/LL på klubbmøta etter behov og betaler bevertning o.l. på klubbmøta. Sommaravslutninga våren 2020 var på naustet til HTV i Auklandshamn, der styret og alle ATV-ar var inviterte. Juleavslutninga jula 2020 vart avlyst grunna koronasituasjonen.

Leiar har hatt 40% frikjøp i 2020, HTV har hatt 74% frikjøp. HTV-ressursen har vore fordelt på to personar. UDFV har dekkja 6 % for HTV barnehage etter vedtak på årsmøte 2015. UDFV har ingen tilsette, men 3 frikjøpte tillitsvalde i til saman 120% stilling, der 40% er dekkja av UDF sentralt, 74% er dekkja av Vindafjord Kommune og 6% er dekkja av UDFV.

Me har eit ok fysisk og godt psykososialt arbeidsmiljø.

Kjønnsfordelinga av dei tillitsvalde er 13,3 % menn og 86,7 % kvinner. Utdanningsforbundet Vindafjord har som mål å vere ein arbeidsplass der det er full likestilling mellom kvinner og menn. Verksemda forureinar ikkje det ytre miljøet.

Framtidsutsiktene for organisasjonen er gode.

Styret meiner at årsrekneskapen gjev eit rettvisebilde av organisasjonen sin økonomiske stilling med tanke på eigendelar og gjeld, finansielle stilling og resultat.

Resultatet for året er disponert som vist i årsrekneskapen.

Vindafjord, 12.02.2020

Ane Eikeland
- Leiar -

Hilde Synnøve J. Harboe
- nestleiar -